

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



074 PI 02-04-

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 07-05-2023			
Org. jed.	Kl. ozna.	Red. broj	Br. priloga
02	04	1428/23	

Broj: 01-04-1368/23-AP-5
Datum: 31.05.2023. godine

GRADONAČELNIK **Z A V I D O V I Ć I**

PREDMET: Vijećnička pitanja i inicijative sa 14. sjednice Gradskog vijeća održane, dana 31.05.2023. godine, dostavljaju se.

Na osnovu člana 167. stav 1. i člana 171 a. stav 1. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22), u prilogu akta dostavljamo vijećnička pitanja i Inicijative postavljene na 14. sjednici Gradskog vijeća održanoj, dana 31.05.2023. godine:

- Inicijativa vijećnika Ferid Kaknjašević – Inicijativa za nalaganje vlasnicima zatvorenih i napuštenih poslovnih prostora na teritoriji Grada Zavidovići da saniraju i dovedu u red predulaze i ulaze u iste.;
- Inicijativa vijećnika Harisa Hodžića – Inicijativa za donošenje odluke o promjeni načina izvještavanja rada inspekcija Grada Zavidovići;
- Inicijativa vijećnika Šemse Fehrića (1) – Inicijativa za asfaltiranje svih prekopa i oštećenja asfaltne površine na lokalnom putu Zavidovići – Stavci – Brijeg – Gornji Kovači.;
- Inicijativa vijećnika Šemse Fehrića (2) – Inicijativa za sanaciju klizišta na putu Zavidovići – Gornji Kovači i to u naselju Kratkovići, koja nije riješena od 2014. godine.
- Inicijativa vijećnika Mirsad Bečić – Inicijativa za obezbjeđivanje dodatnih sredstava u iznosu od 20.000,00 KM iz Budžeta Grada Zavidovići za 2023. godinu, za finansiranje učešća Ženskog rukometnog kluba „Krivaja“ Zavidovići na EHF European Cup 2023. godine.
- Inicijative vijećnika Demir Buljubašić (1) – Inicijativa za postavku kanti za smeće na frekventnim lokacijama.
- Inicijative vijećnika Demir Buljubašić (2) – Inicijativa za obilježavanjem horizontalne signalizacije.
- Inicijative vijećnika Demir Buljubašić (3) – Inicijativa za uređenje mosta u ulici Zlatnih ljiljana, nedaleko od Energopetrol pumpe.
- Inicijative vijećnika Demir Buljubašić (4) – Inicijativa za uređenje puta u naseljenom mjestu Borovnica u MZ Gostović.
- Inicijative vijećnika Demir Buljubašić (5) – Inicijativa za sanaciju podvožnjaka u ulici Viniški put.

- Inicijative vijećnika Demir Buljubašić (6) – Inicijativa za uređenje raskrsnice u ulici Dr. Pinkasa Bandta, pored Raiffeisen banke.
- Inicijativa vijećnika Igor Šimšić – Inicijativa u ime Kluba Socijaldemokratske partije BiH – predata preko protokolarne službe, za pristupanje postupku izmjena o Odluke o radnom vremenu u oblasti trgovine, ugostiteljstva, obrtničkih.
- Vijećničko pitanje vijećnika Harisa Hodžića (1) i (2);
- Vijećničko pitanje vijećnika Šemse Fehrića (1) i (2);
- Vijećničke pitanje vijećnika Hasib Huskić (1) i (2);
- Vijećnička pitanja vijećnika Hakija Bošnjaković;
- Vijećničko pitanje vijećnika Samir Skejić (1), (2), (3), (4), (5), (6) i (7);

U prilogu akta dostavljam Vam vijećnička pitanja i Inicijative postavljena na 14. sjednici Gradskog vijeća održane, dana 31.05.2023. godine.

Odgovore na postavljena vijećnička pitanja i inicijative potrebno je dostaviti predsjedavajućem Gradskog vijeća radi uvrštavanja u dnevni red naredne sjednice Gradskog vijeća.

S poštovanjem.

PRILOG: Vijećnička pitanja i inicijative sa 14. sjednice Gradskog vijeća održane, dana 31.05.2023. godine

DOSTAVLJENO:

1. Naslovu,
2. U spis
3. a/a



PREDSJEDAVAJUĆI
GRADSKOG VIJEĆA

Fojnica Admir, prof.



Broj: 01-04-1368/23-AP-5
Datum: 31.05.2023. godine

GRADONAČELNIK ZAVIDOVIĆI

PREDMET: Vijećnička pitanja i inicijative sa 14. sjednice Gradskog vijeća održane, dana 31.05.2023. godine, dostavljaju se.

Na osnovu člana 167. stav 1. i člana 171 a. stav 1. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22), u prilogu akta dostavljamo vijećnička pitanja i Inicijative postavljene na 13. sjednici Gradskog vijeća održanoj, dana 27.04.2023. godine:

Ferid Kaknjašević

Predmet: Inicijativa

Na osnovu člana 78. te člana 87. poslovnika o radu Gradskog vijeća Zavidovići upućujem vijećničku inicijativu naslovljenu na Službu za upravu poljoprivrede, lokalni razvoj, infrastrukturu i međunarodnu saradnju te građevinskoj i urbanističkoj inspekciji da nalože vlasnicima zatvorenih i napuštenih poslovnih prostora na teritoriji Grada Zavidovići da saniraju i dovedu ured predulaze i ulaze u iste.

Obrazloženje: svjedoci smo zapuštenosti i nebrige velikog broja vlasnika za svoje vlastite prostore što u konačnici daje ružnu sliku grada i neuređenosti lokalne zajednice, a u stvarnosti je odgovornost na vlasnicima navedenih poslovnih prostora.

Sredstva za navedenu namjenu nije potrebno izdvajati iz budžeta.

Haris Hodžić

Predmet: Inicijativa za donošenje odluke o promjeni načina izvještavanja rada inspekcija Grada Zavidovići

Poštovani, na osnovu člana 109. Poslovnika o radu Općinskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim INICIJATIVU da se godišnji izvještaji inspekcija Grada Zavidovići dostavljaju i razmatraju posebno za svaku pojedinačnu inspekciju.

OBRAZLOŽENJEM kako slijedi:

Kako Gradsko vijeće Zavidovići izvještaj o radu inspekcija Grada Zavidovići razmatra u sklopu jedne tačke dnevnog reda, te da se zbog zajedničkog izvještaja svih inspekcija vrlo često ne može jasno opredijeliti i ocijeniti rad inspekcija, obzirom da su izvještaji pojedinih inspekcija i službenika koji obnašaju funkciju inspektora zadovoljavajući dok pojedini nemaju pozitivnu ocjenu, Gradsko vijeće je prinuđeno dati zajedničku ocjenu koja u pojedinim slučajevima, kada

je ista negativna, degradira rad onih inspekcija koje su ipak u kalendarskom periodu koji se vrednuje, ostavile zavidne rezultate, dok u slučajevima kada je ista pozitivna odaje sliku da sve inspekcije profesionalno obavljaju svoje zadatke iako je situacija u praksi i na terenu potpuno drugačija.

Pojedinačni izvještaji svake inspekcije ostavili bi i mogućnost da se detaljno uvide problemi svake inspekcije, obavezno saslušaj izvještaj svakog inspektora kao i ponude bolje i konstruktivnije smjernice na poboljšanje rada svake pojedinačne inspekcije Grada Zavidovići. Za realizaciju ove inicijative nije potrebno predvidjeti sredstva Budžetom Grada Zavidovići. S poštovanjem.

Predmet: Vijećničko pitanje (1)

Na osnovu člana 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe da nam dostavi informaciju da li su zainteresovanim investitorima u prethodnim godinama nudili slobodne građevinske parcele br. 216/7, 209/1 i 211 sve k.o Zavidovići u vlasništvu Grada Zavidovići sještenih u industrijskoj zoni Majdanska polja?

Obrazloženje:

U prethodnim godinama u nekoliko navrata investitori koji su iskazali interes za otvaranje proizvodnje na području naše općine, nisu uspjeli instalirati pogone na području poslovnih zona grada Zavidovići, te su u svoju proizvodnju prebacili susjedne lokalne samouprave otvarajući nova radna mjesta u drugim općinama.

Direktno pitanje:

Molim nadležnu službu da nam dostavi informaciju da li su slobodne parcele u industrijskoj zoni Majdanska polja br. 216/7, 209/1 i 211 nudene investitorima koji su u prethodnim godinama iskazivali interes za pokretanje proizvodnje na području općine Zavidovići, kao dostupno zemljište za instalaciju pogona?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

S poštovanjem.

Predmet: Vijećničko pitanje (2)

Na osnovu člana 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe da nam dostavi informaciju da li su parcele broj 204, 206/1, 216/6 i 216/12 sve k.o. Zavidovići slobodne parcele u okviru industrijske zone Majdanska polja i da li su iste nudene investitorima koji su u prethodnim godinama iskazivali interes za pokretanje proizvodnje na području općine Zavidovići, kao dostupno zemljište za instalaciju pogona?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

S poštovanjem.

Šemso Fehrić

U skladu sa članom 8. i 87. Poslovnika o radu Gradskog vijeća Zavidovići, pokrećem sljedeće inicijative:

Predmet: Inicijativa (1)

Asfaltiranje svih prekopa i oštećenja asfalne površine na lokalnom putu Zavidovići- Stavci-Brijeg-Gronji Kovači.

Obrazloženje: Na lokalnom putu Zavidovići-Stavci-Brijeg-Gornji Kovači na više mjesta je oštećena asfaltna površina (usljed prekopa, manjih klizišta, slijeganja puta i dr.). Posebno su ova oštećenja izražena od Malih Skroza do Brijega. Za saniranje ovih oštećenja nisu potrebna znatna ulaganja, te mislim da bi se kroz postojeći transfer 61372421 Izdaci za usluge popravki i

održavanja cesta, Željeznica i mostova zimsko održavanje lokalnih cesta ta sredstva mogla obezbijediti.

Predmet: Inicijativa (2)

Sanacija klizišta na putu Zavidovići-Gornji Kovači i to u naselju Kratkovići, koja nije riješena od 2014.godine.

Obrazloženje: Mještani imaju informaciju da su za ovo klizište došla sredstva sa viših nivoa vlasti, ali klizište do danas nije riješeno. Klizište nije veliko, ali mještani se boje da može prouzrokovati veću štetu na stambenim i pomoćnim objektima mještana koji tu žive.

U sklopu ove inicijative postavljam

Predmet: Vijećnička pitanja: (1)

1. Da li su sredstva za sanaciju ovog klizišta stigla sa viših nivoa?
2. Zbog čega ovo klizište nije sanirano u prethodnom periodu?

Izvor sredstava; 61372421 Izdaci za usluge popravki i održavanja cesta, željeznica i mostova zimsko održavanje lokalnih cesta

Predmet: Vijećničko pitanje (2)

Na koji način gradska administracija planira poboljšanje kvaliteta izvođenja radova na izgradnji i održavanju mreža javne rasvjete?

Obrazloženje:

Već duže vrijeme se problemi na mrežama javne rasvjete na području grada Zavidovići, adresiraju na pogrešne ljude, čime se dodatno građani dezinformišu, a imena nekih ljudi i vijećnika nepotrebno pominju.

U cilju poboljšanja sigurnosti mreža javne rasvjete treba podignuti kvalitet izvođenja radova i održavanja istih. Ovaj problem je izražen i smatram da se treba ozbiljno njime pozabaviti.

Napomena: U ranijem periodu sam imao inicijativu za rješavanje ovog problema, ali ona je glatko odbijena.

Hasib Huskić:

Predmet: Vijećničko pitanje (1)

Na osnovu člana 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe informaciju zašto se prestalo sa radovima na rekonstrukciji dionice puta kroz naseljeno mjesto Mećevići prema Pašinom Konaku. Svjedoci smo da ta dionica koja je bila čini mi se pripremljena za završne radove i asfaltiranje propada iz dana u dan.

Predmet: Vijećničko pitanje (2)

Na osnovu člana 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe informaciju dokle se stiglo u radu po zahtjevu broj D/Br. 88-02/22 koji je dostavljen na protokol stručne službe dana 26.12.2022., a riječ je o pokretanju procedure za pripremu i izradu dokumentacije, rješavanja imovinsko pravnih odnosa i u konačnici kvalitetne izrade pristupnog puta u ulici Oslobođilaca Gostovića.

Zahtjev podnešen od strane MZ Lovnica, a na zahtjev mještana naseljenog mjesta.

Konkretno, radi se o priključnom putu između poslovnih hala privrednog društva EUROIMPEX-AN d.o.o Zavidovići u dužini cc 250m.

Hakija Bošnjaković:

Predmet: Vijećničko pitanje

U maju 2022. godine, na 2. sjednici Gradskog vijeća, postavio sam vijećničko pitanje koje se odnosi na uređenje obale rijeke Bosne, odnosno izgrađenu šetnicu duž obale u urbanom dijelu grada, gdje nisu predviđeni prilazi za osobe s kolicima, tj. invalidne osobe i roditelje s bebama.

Kako stvari stoje, proći će godina dana, a ništa se po tom pitanju neće poduzeti.

U međuvremenu, tokom sniježnih padavina, koje srećom nisu bile obilne ove zime, uočljiv je još jedan detalj. Naime, mašine za čišćenje snijega nemaju pristup izgrađenoj šetnici, a građani su već naviknuti koristiti šetnicu izbjegavajući saobraćajnu buku i prašinu u ulici dr. Pinkasa Bandta. Stoga se na šetnici pravi utabana staza ili prtina, koja se u hladnim noćima i jutrima pretvara u poledicu, samu po sebi opasnu za pješake, a naročito ako uzmemo u obzir blizinu rijeke i neograđenu strminu.

Izgradnjom prilaza za osobe s kolicima, ujedno bi se omogućilo i manjim mašinama s grtalicom da priđu šetnici, te da lahko i brzo očiste taj dio staze.

U maju 2022. godine, postavio sam pitanje da li se to planira uraditi i kada? I danas me isto zanima.

Mirsad Bečić:

Predmet: Inicijativa

Na osnovu člana 109. Poslovnika o radu Gradskog vijeća Zavidovići, podnosim inicijativu za obezbjeđivanje dodatnih sredstava, u iznosu od 20.000,00 KM iz Budžeta Grada Zavidovići za 2023. godinu, za finansiranje učešća Ženskog rukometnog kluba „Krivaja“ Zavidovići na EHF European Cup 2023.godine.

Obrazloženje:

Ženski rukometni klub „Krivaja“ Zavidovići je jedini sportski klub sa područja Grada Zavidovići i ZE-DO kantona, a koji se plasirao na EHF European Cup 2023.godine i time značajno doprinio promociji našeg Grada. Smatram da je izuzetno važno nagraditi ovakav sportski uspjeh naših igračica. Također, važno je imati u vidu da u seniorskom timu igraju isključivo naše sugrađanke. Prilikom usvajanja Prijedloga Budžeta Grada Zavidovići za 2023.godinu, opredijelili smo manja sredstva za ženski rukometni klub, u odnosu na druge klubove sa istim rangom takmičenja, te stoga smatram, da dugujemo ovom klubu podršku, obzirom da su se i ove godine plasirale među četiti najbolja ženska rukometna kluba u BiH. Budući da ovakav uspjeh nismo mogli predvidjeti prilikom usvajanja Budžeta, smatram važnim, da iznađemo dodatna sredstva u iznosu od 20.000,00 KM, koja su ovom klubu neophodna kako bi mogao učestvovati na utakmicama koje se igraju van Bosne i Hercegovine. Obzirom da se ovaj klub već šesti put plasirao u europsko takmičenje i činjenice da će u okviru ovogodišnjeg nastupa na takmičenju odigrati minimalno dvije utakmice, neophodno je obezbijediti sredstva u iznosu od 20.000,00 KM. Iz ovih sredstava finansirala bi se jedna gostujuća utakmica van granica BiH, tj. jedan odlazak igračica, trenera i jednog službenog predstavnika na utakmicu van granica BiH, te organizacija jedne domaće utakmice za klub iz Europe (trošak smještaja, hrane, trošak službenih lica).

Demir Buljubašić

Predmet: Inicijativa za postavku kanti za smeće na frekfentnim lokacijama (1)

Na osnovu člana 109. Poslovnika o radu Gradskog vijeća Zavidovići obraćamo Vam se s inicijativom koja ima za cilj povećati broj kanti u našem gradu.

U skladu sa stavom 4. pomenutog člana inicijativu dostavljam u pisanoj formi sa obrazloženjem kako slijedi:

Obrazloženje:

Nedostatak dovoljnog broja kanti za smeće na frekfentnim lokacijama u urbanom dijelu grada rezultira bacanjem istog na javne površine što narušava higijenu i estetiku našeg grada. Povećanje broja kanti za smeće motivisat će građane da odlažu smeće na prava mjesta te će unaprijediti čistoću i sanitarno stanje našeg grada.

Prekomjerno rasipanje smeća može imati negativne posljedice po našu životnu sredinu. Plastične flaše, papiri i drugi otpad mogu dospjeti u prirodne resurse što ugrožava biodiverzitet.

Poboljšanje postavki kanti za smeće pomoći će u očuvanju naše sredine i stvaranju održivijeg okruženja.

Nedostatak kanti za smeće obeshrabruje građane da budu odgovorni i pridržavaju se pravila odlaganja smeća. Posavljavanje dovoljnog broja kanti pokazat će našu posvećenost očuvanju čistoće i potaknuti građane da se aktivno uključe u održavanje našeg grada.

Predlažemo sljedeće korake:

Procjena trenutnog stanja: Provesti temeljnu procjenu trenutne situacije i identificirati područja sa najvećim nedostatkom kanti za smeće.

Povećanje broja kanti: Na temelju rezultata procjene povećati broj kanti za smeće na javnim mjestima (fekfentne lokacije, ulice, šetalište, park, autobusko stajalište, područje oko škole) i slično. Ovo će osigurati dovoljno mjesta za dolaganje smeća i smaniti prenapučenost postojećih kanti.

Edukacija i informisanje: Sprovesti kampanju edukacije i informisanje učenika o pravilnom odlaganju smeća, kao i važnosti očuvanja čistoće našeg grada. Ovo će podići svijest građana o njihovoj ulozi u održavanju čistog i zdravog okruženja.

Redovno održavanje: Osigurati redovno pražnjenje kanti za smeće kako bi se spriječilo prenapučenje i prelijevanje smeća. Također, provoditi održavanje kanti kako bi se održala njihova funkcionalnost i izgled.

Pozivam Vas da podržite ovu inicijativu i prepoznate važnost poboljšanja postavki kanti za smeće u našem gradu. Ova akcija će stvoriti čišće i uređenije okruženje za sve nas, dok ćemo istovremeno pridonijeti zaštiti životne sredine i podići razinu svijesti o očuvanju našeg grada.

S poštovanjem,

Predmet: Inicijativa za obilježavanje horizontalne signalizacije (2)

Na osnovu člana 109. Poslovnika o radu Gradskog vijeća Zavidovići obraćamo Vam se s inicijativom za izdvajanje značajnih sredstava u budžetu za 2024.godinu u svrhu kvalitetnijeg obilježavanja horizontalne signalizacije.

Primjećujem da trenutna situacija s obilježavanjem signalizacije nije zadovoljavajuća, jer se koristi slabija farba koja brzo blijedi i oštećuje se, što dovodi do smanjene vidljivosti i sigurnosti na cestama. Stoga predlažem da se prilikom tenderske procedure uvedu jasni kriteriji koji bi poboljšali dugotrajnost signalizacije.

U skladu sa 4. pomenutog člana inicijativu dostavljam u pisanoj formi sa obrazloženjem kako slijedi:

Obrazloženje:

Kvalitetno obilježavanje signalizacije je veoma bitno za sigurnost vozača i pješaka na cestama. Jasnije i dugotrajnije linije i oznake osigurat će bolju vidljivost, olakšati navigaciju i smanjiti rizik od nesreća. Poboljšana signalizacija će pridonijeti općoj sigurnosti prometa u našem gradu.

Upotreba kvalitetnije farbe i obilježavanje signalizacije koje ma duži vijek trajanja rezultirat će dugoročnim smanjenjem troškova održavanja i obnove. Iako bi se prve godine izdvojila veća sredstva za ocrtavanje linije u drugom roku bi se smanjilo ulaganje jer bi ocrtane linije trajale duže.

Prilikom tenderske procedure za obilježavanje signalizacije, predlažem uvođenje jasnih kriterija koji bi se odnosili na kvalitet farbe, trajnost obilježavanja i tehničke specifikacije materijala. Ovi kriteriji bi osigurali da se ugovori dodjeljuju samo stručnim i kvalificiranim firmama koje koriste visokokvalitetne materijale.

Kako bi se osigurala uspješna implementacija ove inicijative, predlažem uspostavljanje saradnje s relevantnim stručnjacima iz područja saobraćaja i cestovnog inženjerstva. Oni bi mogli pružiti savjete i smjernice o najboljim praksama i standardima u pogledu obilježavanja signalizacije.

Važno je osigurati praćenje i evaluaciju provedbe obilježavanja signalizacije kako bi se provjerilo jesu li postavljeni kriteriji ispunjeni i jesu li linije i oznake trajne i vidljive. Ako se identifikuju bilo kakvi nedostaci ili problemi, potrebno je reagovati i poduzeti potrebne korektivne mjere.

Pozivam Vas da podržite ovu inicijativu za izdvajanje značajnijih sredstava u budžetu za 2024. godinu kako bismo poboljšali kvalitetu signalizacije naših cesta i osigurali sigurnost svih sudionika u saobraćaju. Kroz dugoročno smanjenje troškova održavanja, ova inicijativa će imati pozitivan utjecaj na proračun, te će omogućiti bolje iskorištenje resursa. S poštovanjem.

Predmet: Inicijativa za uređenje mosta u ulici Zlatnih ljiljana , nedaleko od Energopetrol pumpe (39)

Na osnovu člana 109. Poslovnika o radu Gradskog vijeća Zavidovići obraćamo Vam se s inicijativom za uređenje mosta u ulici Zlatnih ljiljana, nedaleko od Energopetrol pumpe.

Želio bih skrenuti pažnju na trenutno loše stanje ograde mosta i trotoara za pješake, te izraziti potrebu za uređenjem radi poboljšanja sigurnosti i funkcionalnosti ovog važnog infrastrukturnog elementa. Inicijativu je potrebno prosljediti nadležnoj službi i Ministarstvu.

U skladu sa stavom 4. pomenutog člana inicijativu dostavljam u pisanoj formi sa obrazloženjem kako slijedi:

Obrazloženje:

Sigurnost pješaka: Trenutno stanje mosta predstavlja ozbiljan sigurnosni rizik trotoara, te otežava prolazak pješaka, posebno starijih osoba, djece i osoba sa invaliditetom. Uređenje trotoara će poboljšati funkcionalnost mosta i omogućiti sigurno i ugodno kretanje pješaka.

Estetika i imidž grada: Loše stanje mosta negativno utiče na vizualni dojam našeg grada. Ograda i trotoar u lošem stanju stvaraju dojam zapuštenosti i neuređenosti. Uređenje u ulici Zlatnih ljiljana će poboljšati izgled mosta i izgled grada, stvarajući ugodno okruženje za građane i posjetitelje.

Predlažem sljedeće korake za uređenje mosta u ulici Zlatnih ljiljana

Terenski pregled: Izvršiti detaljan terenski pregled mosta, ograde i trotoara kako bi se uvjerali u njihovo trenutno stanje i ozbiljnost oštećenja.

Planiranje uređenja: Izraditi plan za uređenje mosta, uključujući zamjenu ili farbanje ograde te obnovu trotoara. Uključiti stručnjake iz područja građevine i saobraćaja kako bi osigurali adekvatno projektovanje i izvedbu radova.

Finansijska alokacija: Osigurati potrebna finansijska sredstva za provedbu uređenja mosta.

Saradnja s lokalnim vlastima: Uspostaviti saradnju sa nadležnim ministarstvom i gradskim službama kako bi osigurali podršku i koordinaciju u provedbi uređenja mosta. Razmotriti mogućnost zajedničkog finansiranja projekta kako bi podijelili troškove i ubrzali provedbu.

Praćenje provedbe: Nakon odobrenja projekta, osigurati redovno praćenje provedbe uređenja mosta i kvalitete izvedenih radova. Osigurati da se radovi izvode u skladu sa dogovorenim standardima i da se završavaju u predviđenom roku.

Molim Vas da podržite ovu inicijativu za uređenje mosta u ulici Zlatnih ljiljana. Uređenje mosta će poboljšati sigurnost pješaka, funkcionalnost prometa i estetiku našeg grada, pridonoseći tako stvaranju ugodnog i uređenog okruženja za sve nas.

Unaprijed hvala, nadam se pozitivnom odgovoru na inicijativu.

S poštovanjem.

Predmet: Inicijativa za uređenje puta u naseljenom mjestu Borovnica u MZ Gostović (4)

Na osnovu člana 109. Poslovnika o radu Gradskog vijeća Zavidovići obraćamo Vam se sa inicijativom za uređenje puta u naseljenom mjestu Borovnica.

Prepoznajem da je asfaltiranje puta uključeno u plan kapitalnih investicija, međutim, primjećujem da je stanje puta sve lošije i lošije, te smatram da je hitna intervencija neophodna

kako bi se osigurala sredstva za uređenje, čime bi se stvorila sigurnost i olakšalo kretanje stanovnika.

U skladu sa stavom 4. pomenutog člana inicijativu dostavljam u pisanoj formi sa obrazloženjem kako slijedi:

Obrazloženje:

Naseljeno mjesto Borovnica se nalazi u MZ Gostović, udaljeno od centra grada 10 kilometara ili petnaest minuta vožnje. Naseljeno mjesto broji oko 550 stanovnika. Nedaleko od naseljenog mjesta nalazi se izletišta Buretina.

Loša putna infrastruktura predstavlja sigurnosni rizik za mještane, vozače i turiste. Udarne rupe i neujednačena površina otežavaju kretanje vozila, te mogu prouzrokovati nesreću i razna oštećenja.

Predlažem sljedeće korake koje je potrebno izvršiti:

Terenski pregled: Izvršiti detaljan terenski pregled kako bi ustanovili njihovo trenutno stanje i ozbiljnost oštećenja.

Planiranje i finansiranje: Izradite detaljan plan asfaltiranja puta koji uključuje procjenu troškova, raspored radova i potrebne resurse. Planom kapitalnih investicija planirana je rekonstrukcija 1300m puta, međutim predlažem da se izvrši prva faza rekonstrukcije u dužini od cc 400m.

Uključiti mještane, te stručnjake iz područja građevine kako bi osigurali adekvatno planiranje izvedbe radova.

Osigurati potrebna finansijska sredstva za provedbu inicijative iz planiranih kapitalnih investicija, lokalnog proračuna ili drugi izvor finansiranja.

Predlažem formiranje tima koji će koordinirati s mještanima kako bi se uključili u proces rekonstrukcije puta.

Potrebno je razmotriti mogućnost da mještani doprinesu sredstvima, resursima ili volonterskim radom kako bi se ubrzao proces asfaltiranja.

Praćenje provedbe: Nakon odobrenja projekta, osigurajte redovno praćenje provedbe uređenja i kvalitete izvedenih radova. Osigurajte da se radovi izvode u skladu s dogovorenim standardima i da se izvršavaju u predviđenom roku.

Asfaltiranje puta će poboljšati sigurnost i funkcionalnost, omogućavajući nesmetano i sigurno kretanje vozila i pješaka.

S poštovanjem.

Predmet: Inicijativa za sanaciju podvožnjaka u ulici Viniški put (5)

Na osnovu člana 109. Poslovnika o radu Gradskog vijeća Zavidovići obraćamo Vam se s inicijativom za sanaciju podvožnjaka koji se nalazi u ulici Viniški put. Ovaj podvožnjak je u veoma lošem stanju, što otežava prolazak vozila kroz njega. Također, važno je napomenuti da je ovaj podvožnjak alternativni put prema Žepču, što dodatno naglašava potrebu za njegovom sanacijom radi sigurnosti i protočnosti saobraćaja.

U skladu sa stavom 4. pomenutog člana inicijativu dostavljam u pisanoj formi sa obrazloženjem kako slijedi:

Obrazloženje:

Loše stanje podvožnjaka predstavlja ozbiljan sigurnosni rizik za vozače i ostale sudionike u prometu. Oštećena površina, udarne rupe i neravnine mogu oštetiti vozila. Sanacija podvožnjaka će poboljšati sigurnost saobraćaja, smanjiti rizik o nesreća i osigurati nesmetan protok vozila kroz ovu važnu prometnu rutu.

Viniški put je alternativni put prema Žepču, koji se koristi za izbjegavanje gužvi u slučaju zastoja na glavnoj saobraćajnici. Loše stanje podvožnjaka usporava promet i stvara nelagodu

za vozače koji koriste ovaj put. Sanacija podvožnjaka će poboljšati protočnost saobraćaja, smanjiti zastoje i pridonijeti učinkovitijem korištenju ove alternativne rute. Podvožnjak u ulici Viniški put predstavlja važan dio saobraćajne infrastrukture naše zajednice. Sanacija podvožnjaka će produžiti njegov životni vijek, spriječiti daljnje oštećenje i smanjiti troškove redovitog održavanja u budućnosti.

Predlažem sljedeće korake.

Izvršiti stručnu procjenu trenutnog stanja podvožnjaka kako bi se utvrdila priroda oštećenja i potrebni radovi za sanaciju.

Izraditi detaljan plan sanacije podvožnjaka koji obuhvaća potrebne radove, materijale, i finansijska sredstva. Osigurati adekvatna sredstva u budžetu za provedbu sanacije.

Uspostaviti saradnju i koordinaciju s nadležnim institucijama, poput Željeznica FBiH i Ministarstva saobraćaja kako bi se osigurala podrška i doprinos u provedbi sanacije podvožnjaka.

Osigurati da se radovi izvode u skladu sa propisima i standardima kvalitete.

Nakon sanacije, osigurati redovno održavanje podvožnjaka kako bi se produžio njegov životni vijek i osigurala sigurnost prometa.

Pozivam Vas da podržite ovu inicijativu za sanaciju podvožnjaka u ulici Viniški put i osigurate izdvajanje potrebnih sredstava u budžetu Grada. Vaša podrška će omogućiti poboljšanje sigurnosti i protočnosti saobraćaja, doprinijeti kvaliteti života mještana i saobraćajne povezanosti naše regije.

S poštovanjem

Predmet: Inicijativa za uređenje raskrsnice u ulici Dr. Pinkasa Bandta, pored Raiffeisen banke (6)

Na osnovu člana 109. Poslovnika o radu Gradskog vijeća Zavidovići obraćamo Vam se s inicijativom za uređenje raskrsnice u ulici Dr. Pinkasa Bandta, pored Raiffeisen banke. Želio bih skrenuti pozornost na trenutno stanje tog područja, koje je ozbiljno oštećeno, te izraziti važnost i potrebu za hitnim asfaltiranjem radi poboljšanja sigurnosti, funkcionalnosti i estetike našeg grada.

U skladu sa stavom 4. pomenutog člana inicijativu dostavljam u pisanoj formi sa obrazloženjem kako slijedi:

Obrazloženje:

Sigurnost građana: Trenutno oštećenje asfalta predstavlja sigurnosni rizik za građane koji prolaze tom prometnom rutom. Pukotine, udubljenja i neravnine na površini asfalta mogu uzrokovati padove pješaka, invalidnih osoba i bicikliste, te stvoriti oštećenja na vozilima. Asfaltiranje ovih područja omogućilo bi sigurno kretanje svim sudionicima u prometu i smanjilo rizik od nesreće.

Saobraćajna funkcionalnost: Oštećenje asfalta dovodi do neugodnosti i otežanog kretanja u centru grada. Vozači moraju pažljivo manevrirati kako bi izbjegli udarce u rupe i neravnine, što rezultira usporenim protokom vozila i povećanim gužvama. Asfaltiranje područja pored Raiffeisen banke omogućilo bi nesmetano kretanje vozila, smanjilo vrijeme putovanja i poboljšalo prometnu učinkovitost.

Estetika grada: Oštećen asfalt negativno utječe na vizualni dojam našeg grada, stvara dojam neurednosti i zapuštenosti. Asfaltiranje područja u ulici Dr. Pinkasa Bandta poboljšalo bi izgled središnjeg dijela grada, stvarajući ugodno okruženje za naše građane i posjetitelje.

S ozbirom na navedene činjenice, molim Vas da razmotrite sljedeće:

Terenski pregled: Izvršite detaljan terenski pregled oštećenog područja kako biste se uvjerali u njegov trenutni status i ozbiljnost oštećenja.

Planiranje asfaltiranja: Izraditi plan za asfaltiranje tog područja u skladu s najboljim standardima i praksama. Uključite stručnjake iz područja urbanog planiranja i prometa kako biste osigurali adekvatno projektiranje prometne infrastrukture.

Finansijska alokacija: Osigurati odgovarajuća finansijska sredstva za provedbu asfaltiranja. Prepoznajte ovu inicijativu kao prioritetan projekt i osigurati potrebna sredstva iz proračuna nadležnog ministarstva ili drugih izvora finansiranja.

Saradnja s lokalnim vlastima: Uspostaviti saradnju s lokalnim vlastima, gradskim vijećem i gradskim službama kako bi osigurali koordinaciju i podršku u provedbi asfaltiranja. Razmotriti mogućnost zajedničkog finansiranja projekta kako bi ubrzali provedbu.

Praćenje provedbe: Nakon odobrenja projekta, potrebno je osigurati redovito praćenje provedbe asfaltiranja i kvalitete izvedenih radova. Osigurajte da se radovi izvode u skladu s dogovorenim standardima i da se završavaju u predviđenom roku.

Pozivam Vas da podržite ovu inicijativu za asfaltiranje područja pored Raiffeisen banke u našem gradu. Ova akcija će poboljšati sigurnost građana, prometnu funkcionalnost i estetiku našeg središta, te će pridonijeti stvaranju ugodnog okruženja za sve nas.

Unaprijed hvala, nadam se pozitivnom odgovoru na inicijativu.

S poštovanjem

Samir Skejić

Predmet: Vijećnička pitanja

(1) - Molim nadležnu službu Grada da nam predoči informaciju kakvi su izgledi da se sadržaj oficijelne stranice Grada Zavidovići obogati informacijama važnim za naše građanstvo po modelu oficijelnih stranica nekih drugih gradova u Kantonu.

(2) - Molim nadležnu službu Grada da nam sačini pregledan izvještaj o dodjeli stanova iz vlasništva ustanova nad čijim osnivanjem Grad ima nadležnost. Izvještaj bi trebao da prezentuje podjelu stanova u poslijeratnom periodu, da posjeduje informaciju o ukupnom broju stanova u stambenom fondu kao i godine u kojima je podjela provedena i informaciju o pravnom osnovu po kojem je podjela provedena.

(3) - Pitanje za nadležnu gradsku službu:

Zašto se zainteresiranim vijećnicima Gradskog vijeća ne omogući izravni uvid u rad stečajnog upravitelja IP Krivaja u stečaju i zašto se zainteresovanim vijećnicima ne omogući da ulaskom u preduzeće naprave uvid u sadašnje stanje industrijskih pogona preduzeća u stečaju.

(4) - Pitanje upućujem na Gradonačelnika i Sekretara Gradskog vijeća, a izravno se tiče organizacije javnih skupova i obilježavanja značajnih datuzma na nivou grada. Naime, obzirom da se pri organizaciji navedenih datuma namjerno iz učešća izostavlja Predsjedavajući i Zamjenik predjedavajućeg uputio bih zamjerku organizatoru značajnih datuma da ubuduće protokolarno riješi lošu praksu da se pri polaganju cvijeća i službenom defileu umjesto ovlaštenih predstavnika vijeća pojavljuju akteri koji trenutačno nisu izabrani predstavnici vlasti u našem gradu.

Molim da mi se oodgovori dostave blagovremeno i u pisanoj formi.

(5) - Molio bih da nam nadležna služba Grada dostavi informacije o iseljeničkim trendovima iz našeg grada ukoliko su im podaci dostupni, a ukoliko nisu da nam informaciju dostave iz preduzeća koja pružaju usluge građanstvu i koja mogu imati uvid o smanjenju broja usluga koje pružaju. Radi preglednosti bilo bi poželjno da se informacije organizuju po vremenskoj hijerarhiji odlazaka naših ljudi u inostranstvo.

(6) - Molio bih nadležnu službu da nam dostavi podatak o broju rezidenata i nerezidenata u ukupnoj populaciji grada ukoliko su im podaci dostupni, ukupnom broju birača na izborima, ukupnoj izlaznosti birača na posljednjih izborima po mogućnosti razvrstano po pripadnosti mjesnim zajednicama.

(7) - Molio bih nadležnu službu da nam blagovremeno dostavi informaciju o kriterijima izbora za Savjete mjesnih zajednica.

Pitanja su formulisana u skladu sa članovima 8. i 97. Poslovnika o radu Gradskog vijeća.

Igor Šimšić

Predmet: Inicijativa

U ime Kluba Socijaldemokratske partije BiH u ovom obliku s obzirom da smo ovu inicijativu predali preko protokolarne službe, podnosimo inicijativu za pristupanje postupku izmjena o Odluke o radnom vremenu u oblasti trgovine, ugostiteljstva, obrtničkih i srodnih djelatnosti na području Grada Zavidovića, a takođe i Odluke o javnom redu i miru Grada Zavidovići.

Obrazloženje:

Na području našeg grada kao podzakonski opšti pravni akti koji regulišu radno vrijeme, kao i ostale norme u radu ugostiteljskih objekata djeluje Odluka o radnom vremenu u oblasti trgovine, ugostiteljstva, obrtničkih i srodnih djelatnosti i Odluka o javnom redu i miru Opštine Zavidovići. U svom izvorniku donešene su prije mnogo godina i dejstvom do današnjeg dana pretrpile su neznatne male izmjene u odnosu na izvornik sa izmjenama i dopunama. S obzirom na izmjene viših pravnih akata kao izvornika odluka donesenih od viših organa zakonodavne vlasti naše države i Federacije, te specifičnosti sadašnjeg vremena prostora djelovanja, stalnih zahtjeva korisnika, smatramo za potrebnom priložiti dodatne izmjene na ove odluke, te stoga predlažem inicijativom prema nadležnim da pokrenu sve neophodne radnje za pristupanju postupcima izmjene navedenih odluka. Zahvaljujem.

Usmeni odgovori na vijećnička pitanja postavljena na 14. sjednici Gradskog vijeća:

Nema.

Odgovori na vijećnička pitanja postavljena na 13. sjednici Gradskog vijeća

Ferid Kaknjašević: Prvi jesam, drugim djelimično, nema dopunsko pitanje.

Hakija Osmić: Zadovoljan.


Samir Skejić: Na prvo pitanje nisam zadovoljan, na drugo zadovoljan, nema dopunsko pitanje.

Haris Hodžić: Nisam zadovoljan sa odgovorima na (1), (2) i (3) pitanje, nema dopunsko pitanje, zadovoljan na odgovor dostavljen od Agencije za vodno područje rijeke Save.

Ajdin Polić: Zadovoljan.

ZAPISNIK SAČINILA

Armina Bajrić



BOSNA I HERCEGOVINA
FEERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE
Predsjedavajući Gradskog vijeća

Datum: 31.05. 2023.

PREDMET: Inicijativa za uređenje raskrsnice u ulici Dr. Pinkasa Bandta, pored Raiffeisen banke

Na osnovu člana 109. Poslovnika o radu Gradskog vijeća Zavidovići obraćamo Vama se s inicijativom za uređenje raskrsnice u ulici Dr. Pinkasa Bandta, pored Raiffeisen banke. Želio bih skrenuti pozornost na trenutno stanje tog područja, koje je ozbiljno oštećeno, te izraziti važnost i potrebu za hitnim asfaltiranjem radi poboljšanja sigurnosti, funkcionalnosti i estetike našeg grada. Inicijativu je potrebno proslijediti nadležnoj službi i Ministarstvu.

U skladu sa stavom 4. pomenutog člana inicijativu dostavljam u pisanoj formi sa obrazloženjem kako slijedi:

OBRAZLOŽENJE

Sigurnost građana: Trenutno oštećenje asfalta predstavlja sigurnosni rizik za građane koji prolaze tom prometnom rutom. Pukotine, udubljenja i neravnine na površini asfalta mogu uzrokovati padove pješaka, invalidnih osoba i bicikliste, te stvoriti oštećenja na vozilima. Asfaltiranje ovog područja omogućilo bi sigurno kretanje svim sudionicima u prometu i smanjilo rizik od nesreće.

Saobraćajna funkcionalnost: Oštećenje asfalta dovodi do neugodnosti i otežanog kretanja u centru grada. Vozači moraju pažljivo manevrirati kako bi izbjegli udarce u rupe i neravnine, što rezultira usporenim protokom vozila i povećanim gužvama. Asfaltiranje područja pored Raiffeisen banke omogućilo bi nesmetano kretanje vozila, smanjilo vrijeme putovanja i poboljšalo prometnu učinkovitost.

Estetika grada: Oštećen asfalt negativno utječe na vizualni dojam našeg grada, stvara dojam neurednosti i zapuštenosti. Asfaltiranje područja u ulici Dr. Pinkasa Bandta poboljšalo bi izgled središnjeg dijela grada, stvarajući ugodno okruženje za naše građane i posjetitelje.

S obzirom na navedene činjenice, molim vas da razmotrite sljedeće:

Terenski pregled: Izvršite detaljan terenski pregled oštećenog područja kako biste se uvjerali u njegov trenutni status i ozbiljnost oštećenja.

Planiranje asfaltiranja: Izraditi plan za asfaltiranje tog područja u skladu s najboljim standardima i praksama. Uključite stručnjake iz područja urbanog planiranja i prometa kako biste osigurali adekvatno projektiranje prometne infrastrukture.

Financijska alokacija: Osigurati odgovarajuća financijska sredstva za provedbu asfaltiranja. Prepoznajte ovu inicijativu kao prioritetan projekt i osigurati potrebna sredstva iz proračuna nadležnog ministarstva ili drugih izvora financiranja.

Saradnja s lokalnim vlastima: Uspostaviti saradnju s lokalnim vlastima, gradskim vijećem i gradskim službama kako bi osigurali koordinaciju i podršku u provedbi asfaltiranja. Razmotriti mogućnost zajedničkog financiranja projekta kako bi ubrzali provedbu.

Praćenje provedbe: Nakon odobrenja projekta, potrebno je osigurati redovito praćenje provedbe asfaltiranja i kvalitete izvedenih radova. Osigurajte da se radovi izvode u skladu s dogovorenim standardima i da se završavaju u predviđenom roku.

Pozivam vas da podržite ovu inicijativu za asfaltiranje područja pored Raiffeisen banke u našem gradu. Ova akcija će poboljšati sigurnost građana, prometnu funkcionalnost i estetiku našeg središta te će pridonijeti stvaranju ugodnog okruženja za sve nas.

Unaprijed hvala, nadam se pozitivnom odgovoru na inicijativu.

S poštovanjem,

Vijećnik

Demir Buljubašić



BOSNA I HERCEGOVINA

FEERACIJA BOSNE I HERCEGOVINE

ZENIČKO-DOBOJSKI KANTON

GRAD ZAVIDOVIĆI

GRADSKO VIJEĆE

Predsjedavajući Gradskog vijeća

Datum: 31.05.2023.

PREDMET: Inicijativa za sanaciju podvožnjaka u ulici Viniški put

Na osnovu člana 109. Poslovnika o radu Gradskog vijeća Zavidovići obraćamo Vama se s inicijativom za sanaciju podvožnjaka koji se nalazi u ulici Viniški put. Ovaj podvožnjak je u veoma lošem stanju, što otežava prolazak vozila kroz njega. Također, važno je napomenuti da je ovaj podvožnjak alternativni put prema Žepču, što dodatno naglašava potrebu za njegovom sanacijom radi sigurnosti i protočnosti saobraćaja.

U skladu sa stavom 4. pomenutog člana inicijativu dostavljam u pisanoj formi sa obrazloženjem kako slijedi:

OBRAZLOŽENJE

Loše stanje podvožnjaka predstavlja ozbiljan sigurnosni rizik za vozače i ostale sudionike u prometu. Oštećena površina, udarne rupe i neravnine mogu oštetiti vozila. Sanacija podvožnjaka će poboljšati sigurnost saobraćaja, smanjiti rizik od nesreća i osigurati nesmetan protok vozila kroz ovu važnu prometnu rutu.

Viniški put je alternativni put prema Žepču, koji se koristi za izbjegavanje gužvi u slučaju zastoja na glavnoj saobraćajnici. Loše stanje podvožnjaka usporava promet i stvara nelagodu za vozače koji koriste ovaj put. Sanacija podvožnjaka će poboljšati protočnost saobraćaja, smanjiti zastoje i pridonijeti učinkovitijem korištenju ove alternativne rute.

Podvožnjak u ulici Viniški put predstavlja važan dio saobraćajne infrastrukture naše zajednice. Sanacija podvožnjaka će produžiti njegov životni vijek, spriječiti daljnje oštećenje i smanjiti troškove redovitog održavanja u budućnosti.

Predlažem sljedeće korake.

Izvršiti stručnu procjenu trenutnog stanja podvožnjaka kako bi se utvrdila priroda oštećenja i potrebni radovi za sanaciju.

Izraditi detaljan plan sanacije podvožnjaka koji obuhvaća potrebne radove, materijale i financijska sredstva. Osigurati adekvatna sredstva u budžetu za provedbu sanacije.

Uspostaviti saradnju i koordinaciju s nadležnim institucijama, poput Željeznica FBiH i Ministarstva saobraćaja kako bi se osigurala podrška i doprinos u provedbi sanacije podvožnjaka.

Osigurati da se radovi izvode u skladu s propisima i standardima kvalitete.

Nakon sanacije, osigurati redovno održavanje podvožnjaka kako bi se produžio njegov životni vijek i osigurala sigurnost prometa.

Pozivam vas da podržite ovu inicijativu za sanaciju podvožnjaka u ulici Viniški put i osigurate izdvajanje potrebnih sredstava u budžetu Grada. Vaša podrška će omogućiti poboljšanje sigurnosti i protočnosti saobraćaja, doprinijeti kvaliteti života mještana i saobraćajne povezanosti naše regije.

S poštovanjem,

Vijećnik

Demir Buljubašić



BOSNA I HERCEGOVINA
FEERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE

Predsjedavajući Gradskog vijeća

Datum: 31.05. 2023.

PREDMET: Uređenje puta u naseljenom mjestu Borovnica u MZ Gostović

Na osnovu člana 109. Poslovnika o radu Gradskog vijeća Zavidovići obraćamo Vama se s inicijativom za uređenje puta u naseljenom mjestu Borovnica.

Prepoznajem da je asfaltiranje puta uključeno u plan kapitalnih investicija, međutim, primjećujem da je stanje puta sve lošije i lošije te smatram da je hitna intervencija neophodna kako bi se osigurala sredstva za uređenje, čime bi se stvorila sigurnost i olakšalo kretanje stanovnika.

U skladu sa stavom 4. pomenutog člana inicijativu dostavljam u pisanoj formi sa obrazloženjem kako slijedi:

OBRAZLOŽENJE

Naseljeno mjesto Borovnica se nalazi u MZ Gostović, udaljeno od centra grada 10 kilometara ili petnaest minuta vožnje. Naseljeno mjesto broji oko 550 stanovnika. Nedaleko od naseljenog mjesta nalazi se izletišta Buretina.

Loša putna infrastruktura predstavlja sigurnosni rizik za mještane, vozače i turiste. Udarne rupe i neujednačena površina otežavaju kretanje vozila te mogu prouzrokovati nesreću i razna oštećenja.

Predlažem sljedeće korake koje je potrebno izvršiti:

Terenski pregled: Izvršiti detaljan terenski pregled kako bi ustanovili njihovo trenutno stanje i ozbiljnost oštećenja

Planiranje i financiranje: Izradite detaljan plan asfaltiranja puta koji uključuje procjenu troškova, raspored radova i potrebne resurse. Planom kapitalnih investicija planirana je rekonstrukcija 1300 m puta, međutim predlažem da se izvrši prva faza rekonstrukcije u dužini od cc 400m.

Uključiti mještane te stručnjake iz područja građevine kako bi osigurali adekvatno planiranje izvedbe radova.

Osigurati potrebna financijska sredstva za provedbu inicijative iz planiranih kapitalnih investicija, lokalnog proračuna ili drugi izvor financiranja.

Predlažem formiranje tima koji će se koordinirati s mještanima kako bi se uključili u proces rekonstrukcije puta.

Potrebno je razmotriti mogućnost da mještani doprinesu sredstvima, resursima ili volonterskim radom kako bi se ubrzao proces asfaltiranja.

Praćenje provedbe: Nakon odobrenja projekta, osigurajte redovno praćenje provedbe uređenja i kvalitete izvedenih radova. Osigurajte da se radovi izvode u skladu s dogovorenim standardima i da se završavaju u predviđenom roku.

Asfaltiranje puta će poboljšati sigurnost i funkcionalnost, omogućavajući nesmetano i sigurno kretanje vozila i pješaka.

S poštovanjem,

Vijećnik

Demir Buljubašić



BOSNA I HERCEGOVINA
FEERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE

Predsjedavajući Gradskog vijeća

Datum: 31.05. 2023.

PREDMET: Inicijativa za uređenje mosta u ulici Zlatnih ljiljana, nedaleko od Energopetrol pumpe

Na osnovu člana 109. Poslovnika o radu Gradskog vijeća Zavidovići obraćam Vama se s inicijativom za uređenje mosta u ulici Zlatnih ljiljana, nedaleko od Energopetrol pumpe.

Želio bih skrenuti pažnju na trenutno loše stanje ograde mosta i trotoara za pješake te izraziti potrebu za uređenjem radi poboljšanja sigurnosti i funkcionalnosti ovog važnog infrastrukturnog elementa. Inicijativu je potrebno proslijediti nadležnoj službi i Ministarstu.

U skladu sa stavom 4. pomenutog člana inicijativu dostavljam u pisanoj formi sa obrazloženjem kako slijedi:

OBRAZLOŽENJE

Sigurnost pješaka: Trenutno stanje mosta predstavlja ozbiljan sigurnosni rizik trotoara te otežava prolazak pješaka, posebno starijih osoba, djece i osoba s invaliditetom. Uređenje trotoara će poboljšati funkcionalnost mosta i omogućiti sigurno i ugodno kretanje pješaka.

Estetika i imidž grada: Loše stanje mosta negativno utječe na vizualni dojam našeg grada. Ograda i trotoar u lošem stanju stvaraju dojam zapuštenosti i neuređenosti. Uređenje u ulici Zlatnih ljiljana će poboljšati izgled mosta i izgled grada, stvarajući ugodno okruženje za građane i posjetitelje.

Predlažem sljedeće korake za uređenje mosta u ulici Zlatnih ljiljana

Terenski pregled: Izvršiti detaljan terenski pregled mosta, ograde i trotoara kako bi se uvjerili u njihovo trenutno stanje i ozbiljnost oštećenja.

Planiranje uređenja: Izraditi plan za uređenje mosta, uključujući zamjenu ili farbanje ograde te obnovu trotoara. Uključiti stručnjake iz područja građevine i saobraćaja kako bi osigurali adekvatno projektovanje i izvedbu radova.

Financijska alokacija: Osigurati potrebna financijska sredstva za provedbu uređenja mosta.

Saradnja s lokalnim vlastima: Uspostaviti saradnju sa nadležnim ministarstvom i gradskim službama kako bi osigurali podršku i koordinaciju u provedbi uređenja mosta. Razmotriti mogućnost zajedničkog financiranja projekta kako bi podijelili troškove i ubrzali provedbu.

Praćenje provedbe: Nakon odobrenja projekta, osigurati redovno praćenje provedbe uređenja mosta i kvalitete izvedenih radova. Osigurati da se radovi izvode u skladu s dogovorenim standardima i da se završavaju u predviđenom roku.

Molim vas da podržite ovu inicijativu za uređenje mosta u ulici Zlanih ljljlana. Uređenje mosta će poboljšat sigurnost pješaka, funkcionalnost prometa i estetiku našeg grada, pridonoseći tako stvaranju ugodnog i uređenog okruženja za sve nas.

Unaprijed hvala, nadam se pozitivnom odgovoru na inicijativu.

S poštovanjem,

Vijećnik

Demir Buljubašić



BOSNA I HERCEGOVINA

FEERACIJA BOSNE I HERCEGOVINE

ZENIČKO-DOBOJSKI KANTON

GRAD ZAVIDOVIĆI

GRADSKO VIJEĆE

Predsjedavajući Gradskog vijeća

Datum: 31.05. 2023.

PREDMET: Inicijativa za obilježavanje horizontalne signalizacije

Na osnovu člana 109. Poslovnika o radu Gradskog vijeća Zavidovići obraćamo Vama se s inicijativom za izdvajanje značajnih sredstava u budžetu za 2024. godinu u svrhu kvalitetnijeg obilježavanje horizontalne signalizacije u urbanom dijelu grada.

Primjećujem da trenutna situacija s obilježavanjem signalizacije nije zadovoljavajuća, jer se koristi slabija farba koja brzo blijedi i oštećuje se, što dovodi do smanjene vidljivosti i sigurnosti na cestama. Stoga predlažem da se prilikom tenderske procedure uvedu jasni kriteriji koji bi poboljšali dugotrajnost signalizacije.

U skladu sa stavom 4. pomenutog člana inicijativu dostavljam u pisanoj formi sa obrazloženjem kako slijedi:

OBRAZLOŽENJE

Kvalitetno obilježavanje signalizacije je veoma bitno za sigurnost vozača i pješaka na cestama. Jasnije i dugotrajnije linije i oznake osigurat će bolju vidljivost, olakšati navigaciju i smanjiti rizik od nesreća. Poboljšana signalizacija će pridonijeti većoj sigurnosti prometa u našem gradu.

Upotreba kvalitetnije farbe i obilježavanje signalizacije koje ima duži vijek trajanja rezultirat će dugoročnim smanjenjem troškova održavanja i obnove. Iako bi se prve godine izdvojila veća sredstva za ocrtavanje linija, u dugom roku bi se smanjilo ulaganje jer bi ocrtane linije trajale duže.

Prilikom tenderske procedure za obilježavanje signalizacije, predlažem uvođenje jasnih kriterija koji bi se odnosili na kvalitet farbe, trajnost obilježavanja i tehničke specifikacije materijala. Ovi kriteriji bi osigurali da se ugovori dodjeljuju samo stručnim i kvalificiranim firmama koje koriste visokokvalitetne materijale.

Kako bi se osigurala uspješna implementacija ove inicijative, predlažem uspostavljanje saradnje s relevantnim stručnjacima iz područja saobraćaja i cestovnog inženjerstva. Oni bi mogli pružiti savjete i smjernice o najboljim praksama i standardima u pogledu obilježavanja signalizacije.

Važno je osigurati praćenje i evaluaciju provedbe obilježavanja signalizacije kako bi se provjerilo jesu li postavljeni kriteriji ispunjeni i jesu li linije i oznake trajne i vidljive. Ako se identifikuju bilo kakvi nedostaci ili problemi, potrebno je reagovati i poduzeti potrebne korektivne mjere.

Pozivam Vas da podržite ovu inicijativu za izdvajanje značajnijih sredstava u budžetu za 2024. godinu kako bismo poboljšali kvalitetu signalizacije naših cesta i osigurali sigurnost svih sudionika u saobraćaju. Kroz dugoročno smanjenje troškova održavanja, ova inicijativa će imati pozitivan utjecaj na proračun te će omogućiti bolje iskorištenje resursa.

S poštovanjem,

Vijećnik

Demir Buljubašić



BOSNA I HERCEGOVINA
FEERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE
Predsjedavajući Gradskog vijeća

Datum: 31.05. 2023.

PREDMET: Inicijativa za postavku kanti za smeće na frekfentnim lokacijama

Na osnovu člana 109. Poslovnika o radu Gradskog vijeća Zavidovići obraćamo Vama se s inicijativom koja ima za cilj povećati broj kanti za smeće u našem gradu
U skladu sa stavom 4. pomenutog člana inicijativu dostavljam u pisanoj formi sa obrazloženjem kako slijedi:

OBRAZLOŽENJE

Nedostatak dovoljanog broja kanti za smeće na frekfentnim lokacijama u urbanom dijelu grada rezultira bacanjem istog na javne površine što narušava higijenu i estetiku našeg grada. Povećanje broja kanti za smeće motivisat će građane da odlažu smeće na prava mjesta te će unaprijediti čistoću i sanitarno stanje našeg grada

Prekomjerno rasipanje smeća može imati negativne posljedice po našu životnu sredinu. Plastične flaše, papiri i drugi otpad mogu dospjeti u prirodne resurse što ugrožava biodiverzitet. Poboljšanje postavki kanti za smeće pomoći će u očuvanju naše životne sredine i stvaranju održivijeg okruženja.

Nedostatak kanti za smeće obeshrabruje građane da budu odgovorni i pridržavaju se pravila odlaganja smeća. Postavljanje dovoljnog broja kanti pokazat će našu posvećenost očuvanju čistoće i potaknuti građane da se aktivno uključe u održavanje našeg grada.

Predlažemo sljedeće korake:

Procjena trenutnog stanja: Provesti temeljnu procjenu trenutne situacije i identificirati područja s najvećim nedostatkom kanti za smeće.

Povećanje broja kanti: Na temelju rezultata procjene povećati broj kanti za smeće na javnim mjestima (fekfentne lokacije, ulice, šetlište, park, autobusko stajalište, područje oko škole) i slično. Ovo će osigurati dovoljno mjesta za odlaganje smeća i smanjiti prenapučenost postojećih kanti.

Edukacija i informisanje: Sprovesti kampanju edukacije i informirmisanje učenika o pravilnom odlaganju smeća, kao i važnosti očuvanja čistoće našeg grada. Ovo će podići svijest građana o njihovoj ulozi u održavanju čistog i zdravog okruženja.

Redovno održavanje: Osigurati redovno pražnjenje kanti za smeće kako bi se spriječilo prenapučenje i prelijevanje smeća. Također, provoditi održavanje kanti kako bi se održala njihova funkcionalnost i izgled.

Pozivam Vas da podržite ovu inicijativu i prepoznate važnost poboljšanja postavki kanti za smeće u našem gradu. Ova akcija će stvoriti čišće i uređenije okruženje za sve nas, dok ćemo istovremeno pridonijeti zaštiti životne sredine i podići razinu građanske svijesti o očuvanju našeg grada.

S poštovanjem,

Vijećnik

Demir Buljubašić





STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKI ODBOR ZAVIDOVIĆI UL.DR.PINKASA BANDTA B.B.

Tel/fax: + 387 32 878 970 e-mail: sdazav@bih.net.ba

Klub vijećnika Stranke demokrtaske akcije

BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. Gdin. predsjedavajući

Predmet: Vijećničko pitanje

Na osnovu čl.8 i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe informaciju zašto se prestalo sa radovima na rekonstrukciji dionice puta kroz naseljeno mjesto Mećevići prema Pašinom Konaku. Svjedoci smo da ta dionica koja je bila čini mi se pripremljena za završne radove i asfaltiranje propada iz dana u dan.

Vijećnik SDA

Hasib Huskić



STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKI ODBOR ZAVIDOVIĆI UL.DR.PINKASA BANDTA B.B.

Tel/fax: + 387 32 878 970 e-mail: sdazav@bih.net.ba

Klub vijećnika Stranke demokrtaske akcije

BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. Gdin. predsjedavajući

Predmet: Vijećničko pitanje

Na osnovu čl.8 i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe informaciju dokle se stiglo u radu po zahtjevu broj D/Br. 88-02/22 koji je dostavljen na protokol stručne službe dana 26.12. 2022. a riječ je o pokretanju procedure za pripremu i izradu dokumentacije, rješavanja imovinsko pravnih odnosa i u konačnici kvalitetne izrade pristupnog puta u ulici Oslobođilaca Gostovića.

Zahtjev podnešen od strane MZ Lovnica a na zahtjev mještana naseljenog mjesta.

Konkretno ,radi se o priključnom putu između poslovnih hala privrednog društva EUROIMPEX-AN doo Zavidovići u dužini cca 250 m.


Vijećnik SDA
Hasib Huskić

Mirsad Bečić, vijećnik u Gradskom vijeću Zavidovići

Datum: 31.05.2023. godine

n/r Admir Fojnica, predsjedavajući Gradskog vijeća Zavidovići

INICIJATIVA

Na osnovu Člana 109. Poslovnika o radu Gradskog vijeća Zavidovići, podnosim inicijativu za obezbjeđivanje dodatnih sredstava, u iznosu od 20.000,00 KM iz Budžeta Grada Zavidovići za 2023. godinu, za finansiranje učešća Ženskog rukometnog kluba „Krivaja“ Zavidovići na EHF European Cup 2023. godine.

Obrazloženje:

Ženski rukometni klub „Krivaja“ Zavidovići je jedini sportski klub sa područja Grada Zavidovići i Ze-Do kantona, a koji se plasirao na EHF European Cup 2023. Godine, i time značajno doprinio promociji našeg Grada. Smatram, da je izuzetno važno nagraditi ovakav sportski uspjeh naših igračica. Također, važno je imati u vidu da u seniorskom timu igraju isključivo naše sugrađanke. Prilikom usvajanja Prijedloga Budžeta Grada Zavidovići za 2023. Godinu, opredijelili smo manja sredstva za ženski rukometni klub, u odnosu na druge klubove sa istim rangom takmičenja, te stoga smatram, da dugujemo ovom klubu podršku, obzirom da su se i ove godine plasirale među četiri najbolja ženska rukometna kluba u BiH. Budući, da ovakav uspjeh nismo mogli predvidjeti prilikom usvajanja Budžeta, smatram važnim, da iznađemo dodatna sredstva u iznosu od 20.000,00 KM, koja su ovom klubu neophodna, kako bi mogao učestvovati na utakmicama koje se igraju van granica Bosne i Hercegovine. Obzirom, da se ovaj klub već šesti put plasirao u europsko takmičenje, i činjenice da će u okviru ovogodišnjeg nastupa na takmičenju odigrati minimalno dvije utakmice, neophodno je obezbjeđiti sredstva u iznosu od 20.000,00 KM. Iz ovih sredstava finansila bi se jedan gostujuća utakmica van granica BiH, tj. jedan odlazak igračica, trenera i jednog službenog predstavnika na utakmicu van granica BiH, te organizacija jedne domaće utakmice za klub iz Europe (trošak smještaja, hrane, trošak službenih lica).


Mirsad Bečić
Vijećnik Gradskog vijeća Zavidovići

Bošnjaković Hakija, dipl. inženjer medicinske radiologije
vijećnik u Gradskom vijeću Zavidovići
Ul. Gazi Husrev-begova b.b.
72220 ZAVIDOVIĆI

GRADSKO VIJEĆE
- n/r predsjedavajućeg OV-a -
g-din Fojnica Admir, profesor
ZAVIDOVIĆI

PREDMET: Vijećničko pitanje

U maju 2022. godine, na 2. sjednici Gradskog vijeća, postavio sam vijećničko pitanje koje se odnosi na uređenje obale rijeke Bosne, odnosno izgrađenu šetnicu duž obale u urbanom dijelu grada, gdje nisu predviđeni prilazi za osobe s kolicima, tj. invalidne osobe i roditelje s bebama.

Kako stvari stoje, proći će godina dana, a ništa se po tom pitanju neće poduzeti.

U međuvremenu, tokom sniježnih padavina, koje srećom nisu bile obilne ove zime, uočljiv je još jedan detalj. Naime, mašine za čišćenje snijega nemaju pristup izgrađenoj šetnici, a građani su već naviknuti koristiti šetnicu izbjegavajući saobraćajnu buku i prašinu u ulici dr Pinkasa Bandta. Stoga se na šetnici pravi utabana staza ili prtina, koja se u hladnim noćima i jutrima pretvara u poledicu, samu po sebi opasnu za pješake, a naročito ako uzmemo u obzir blizinu rijeke i neograđenu strminu.

Izgradnjom prilaza za osobe s kolicima, ujedno bi se omogućilo i manjim mašinama s grtalicom, da priđu šetnici, te da lahko i brzo očiste taj dio staze.

U maju 2022. godine, postavio sam pitanje da li se to planira uraditi i kada? I danas me isto zanima.

Zavidovići, Maj 2023. godine

GRADSKI VIJEĆNIK

Bošnjaković Hakija,
dipl. inženjer medicinske radiologije



**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI**

GRADSKO VIJEĆE ZAVIDOVIĆI

*n/r Predsjedavajući Gradskog vijeća Zavidovići
gosp. Admir Fojnica*

Dana, 31.05.2023.godine

Predmet: Dostavljanje inicijativa i vijećničkih pitanja za za 14. sjednicu Gradskog vijeća Zavidovići

U skladu sa Članom 8. i Članom 87. . Poslovnika o radu Gradskog vijeća Zavidovići pokrećem sljedeće inicijative:

Inicijativa 1.

Asfaltiranje svih prekopa i oštećenja asfalne površine na lokalnom putu Zavidovići-Stavci-Brijeg-Gornji Kovači.

Obrazloženje: Na lokalnom putu Zavidovići-Stavci-Brijeg–Gornji Kovači na više mjesta je oštećena asfaltna površina (usljed prekopa, manjih klizišta, slijeganja puta i dr.). Posebno su ova oštećenja izražena od Malih Skroza do Brijega. Za saniranje ovih oštećenja nisu potrebna zantna ulaganja, te mislim da bi se kroz postojeći transfer

61372421 Izdaci za usluge popravki i održavanja cesta, Željeznica i mostova zimsko održavanje lokalnih cesta
ta sredstva mogla obezbijediti.

Inicijativa 2.

Sanacija klizišta na putu Zavidovići –Gornji Kovači, i to u naselju Kratkovići, koja nije riješena od 2014.godine.

Obrazloženje: Mještani imaju informaciju da su za ovo klizište došla sredstva sa viših nivao vlasti, ali klizište do danas nije riješeno. Klizište nije veliko, ali mještani se boje da može prouzrokovati veću štetu na stambenim i pomoćnim objektima mještana koji tu žive.

U sklopu ove inicijative postavljam vijećnička pitanje:

- 1. Da li su sredstva za sanaciju ovog klizišta stigla sa viših nivoo?*
- 2. Zbog čega ovo klizište nije sanirano u prethodnom periodu?*

Izvor sredstava;

61372421 Izdaci za usluge popravki i održavanja cesta, željeznica i mostova zimsko održavanje lokalnih cesta

U skladu sa Članom 8. i Članom 87. . Poslovnika o radu Gradskog vijeća Zavidovići postavljam vijećničko pitanje:

Vijećničko pitanje 3.

Na koji način gradska administracija planira poboljšanje kvaliteta izvođenja radova na izgradnji i održavanju mreža javne rasvjete?

Obrazloženje:

Već duže vrijeme se problemi na mrežama javne rasvjete na području grada Zavidovići, adresiraju na pogrešne ljude, čime se dodatno građani dezinformišu, a imena nekih ljudi i vijećnika nepotrebno pominju.

U cilju poboljšanja sigurnosti mreža javne rasvjete treba podignuti kvalitet izvođenja radova i održavanja istih. Ovaj problem je izražen, i smatram da se treba ozbiljno njime pozabaviti.

Napomena: U ranijem period sam imao inicijativu za rješavanje ovog problema, ali je ona glatko odbijena

**Samostalni vijećnik
Šemso Fejrić**



Datum: 31.05.2023.godine

**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. gđin. predsjedavajući****Predmet:** VIJEĆNIČKO PITANJE, dostavlja se

Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe da nam dostavi informaciju da li su zainteresovanim investitorima u prethodnim godinama nudili slobodne građevinske parcele br. 216/7, 209/1 i 211 sve k.o. Zavidovići u vlasništvu Grada Zavidovići smještenih u industrijskoj zoni Majdanska polja?

Obrazloženje:

U prethodnim godinama u nekoliko navrata investitori koji su iskazali interes za otvaranje proizvodnje na području naše općine, nisu uspjeli instalirati pogone na području poslovnih zona grada Zavidovići, te su svoju proizvodnju prebacili u susjedne lokalne samouprave otvarajući nova radna mjesta u drugim općinama.

Direktno pitanje:

Molim nadležnu službu da nam dostavi informaciju da li su slobodne parcele u industrijskoj zoni Majdanska polja br. 216/7, 209/1 i 211 nuđene investitorima koji su u prethodnim godinama iskazivali interes za pokretanje proizvodnje na području općine Zavidovići, kao dostupno zemljište za instalaciju pogona ?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

S poštovanjem,



Vijećnik SDP BiH

Haris Hodžić, dipl.oec

Općinska organizacija SDP BiH Zavidovići Општинска организација СДП БиХ ЗавидовићиSekretarijat: Adresa: dr.Pinkasa Banta bb
(zgrada „Stare općine“)
72220 Zavidovići
Bosna i HercegovinaTel: +387 (0) 32 879-040
Fax: +387 (0) 32 879-040
E-mail: sdpzdici@bih.net.bawww.sdp.ba
facebook.com/sdpbih
facebook.com/sdpbihzavidovici

Datum: 31.05.2023.godine

**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. gđin. predsjedavajući****Predmet:** VIJEĆNIČKO PITANJE, dostavlja se

Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe da nam dostavi informaciju da li su parcele broj 204, 206/1, 216/6 i 216/12 sve k.o. Zavidovići slobodne parcele u okviru industrijske zone Majdanska polja i da li su iste nuđene investitorima koji su u prethodnim godinama iskazivali interes za pokretanje proizvodnje na području općine Zavidovići, kao dostupno zemljište za instalaciju pogona ?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

S poštovanjem,



Vijećnik SDP BiH

Haris Hodžić, dipl.oec

Općinska organizacija SDP BiH Zavidovići Општинска организација СДП БиХ Завидовићи

Sekretarijat: Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici

BOSNA I HERCEGOVINA

Datum: 31.05.2023.

FEDERACIJA BOSNE I HERCEGOVINE

GRAD ZAVIDOVIĆI

GRADSKO VIJEĆE ZAVIDOVIĆI

n/r. predsjedavajući

Predmet: Inicijativa za donošenje odluke o promjeni načina izvještavanja rada inspekcija Grada Zavidovići

Poštovani, na osnovu člana 109. Poslovnika o radu Općinskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim INICIJATIVU da se godišnji izvještaji inspekcija Grada Zavidovići dostavljaju i razmatraju posebno za svaku pojedinačnu inspekciju.

OBRAZLOŽENJEM kako slijedi:

Kako Gradsko vijeće Zavidovići izvještaj o radu inspekcija Grada Zavidovići ramatra u sklopu jedne tačke dnevnog reda, te da se zbog zajedničkog izvještaja svih inspekcija vrlo često ne može jasno opredijeliti i ocjeniti rad inspekcija, obzirom da su izvještaji pojedini inspekcija i službenika koji obnašaju funkciju inspektora zadovoljavajući dok pojedini nemaju pozitivnu ocjenu, Gradsko vijeće je prinuđeno dati zajedničku ocjenu koja u pojedinim slučajevima, kada je ista negativna, degradira rad onih inspekcija koje su ipak, u kalendarskom periodu koji se vrednuje, ostavile zavidne rezultate, dok u slučajevima kada je ista pozitivna odaje sliku da sve inspekcije profesionalno obavljaju svoje zadatke iako je situacije u praksi i na terenu potpuno drugačija.


Pojedinačni izvještaji svake inspekcije ostavili bi i mogućnost da se detaljno uvide probelmi svake inspekcije, obavezno saslušati izvještaj svakog inspektora kao i ponude bolje i konstruktivnije smjernice na poboljšanje rada svake pojedinačne inspekcije Grada Zavidovići.

Za realizaciju ove inicijative nije potrebno predvidjeti sredstva Budžetom Grada Zavidovići.

S poštovanjem,



Vijećnik SDP BiH



Haris Hodžić, dipl.oec.

Gradska organizacija SDP BiH Zavidovići Градска организација СДП БиХ Завидовићи

Sekretarijat: Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

Datum: 31.05.2023. god.

**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r Prof. Admir Fojnica, predsjedavajući**

Predmet: vijećnička inicijativa, dostavlja se

Na osnovu člana 8. te člana 87. poslovnika o radu Gradskog vijeća Zavidovići upućujem vijećničku inicijativu naslovljenu na **Službu za upravu privrede, lokalni razvoj, infrastrukturu i međunarodnu saradnju te građevinskoj i urbanističkoj inspekciji** da nalože vlasnicima zatvorenih i napuštenih poslovnih prostora na teritoriji grada Zavidovići da saniraju i dovedu ured predulaze i ulaze u iste.

Obrazloženje: svjedoci smo zapuštenosti i nebrige velikog broja vlasnika za svoje vlastite prostore što u konačnici daje ružnu sliku grada i neuređenosti lokalne zajednice, a u stvarnosti je odgovornost na vlasnicima navedenih poslovnih prostora.

Sredstva za navednu namjenu nije potrebno izvajati iz budžeta.

GRADSKI VIJEĆNIK:

Ferid Kaknjašević

Općinska organizacija SDP BiH Zavidovići Општинска организација СДП БиХ Завидовићи

sekretarijat: Adresa: dr. Pinkasa Banta bb

Tel: +387 (0) 32 879-040

www.sdp.ba

(zgrada „Stare općine“)
72220 Zavidovići

Fax: +387 (0) 32 879-040

facebook.com/sdpbih

E-mail: sdpzdici@bih.net.ba

facebook.com/sdpbihzavidovici

Bosna i Hercegovina

14. sjednica Gradskog vijeća Zavidovići

31.05. 2023. godine


Predsjedavajući GV-a

Sekretar GV-a

- Molim nadležnu službu Grada da nam predoči informaciju kakvi su izgledi da se sadržaj oficijelne stranice Grada Zavidovići obogati informacijama važnim za naše građanstvo po modelu oficijelnih stranica nekih drugih gradova u Kantonu.
- Molim nadležnu službu Grada da nam sačini pregledan izvještaj o dodjeli stanova iz vlasništva ustanova nad čijim osnivanjem Grad ima nadležnost. Izvještaj bi trebao da prezentuje podjelu stanova u poslijeratnom periodu, da posjeduje informaciju o ukupnom broju stanova u stambenom fondu kao i godine u kojima je podjela provedena i informaciju o pravnom osnovu po kojem je podjela provedena.
- Pitanje za nadležnu gradsku službu:
zašto se zainteresiranim vijećnicima Gradskog vijeća ne omogući izravni uvid u rad stečajnog upravitelja IP Krivaja u stečaju i zašto se zainteresovanim vijećnicima ne omogući da ulaskom u preduzeće naprave uvid u sadašnje stanje industrijskih pogona preduzeća u stečaju.
- Pitanje upućujem na Gradonačelnika i Sekretara gradskog vijeća a izravno se tiče organizacije javnih skupova i obilježavanja značajnih datuma na nivou grada. Naime, ozirom da se pri organizaciji navedenih datuma namjerno iz učešća izostavlja Predsjedavajući i Zamjenik predsjedavajućeg uputio bih zamjerku organizatoru značajnih datuma da ubuduće protokolarno riješi lošu praksu da se pri polaganju cvijeća i službenom defileu umjesto ovlaštenih predstavnika vijeća pojavljuju akteri koji trenutačno nisu izabrani predstavnici vlasti u našem gradu.

Molim da mi se odgovori dostave blagovremeno i u pisanoj formi.

Vijećnik Skejić Samir



Molio bih da nam nadležna služba Grada dostavi informacije o iseljeničkim trendovima iz našeg grada ukoliko su im podaci dostupni a ukoliko nisu da nam informaciju dostave iz preduzeća koja pružaju usluge građanstvu i koja mogu imati uvid o smanjenju broja usluga koje pružaju . Radi preglednosti bilo bi poželjno da se informacije organizuju po vremenskoj hijerarhiji odlazaka naših ljudi u inostranstvo.

Molio bih nadležnu službu da nam dostavi podatak o broju rezidenata i nerezidenata u ukupnoj populaciji grada ukoliko su im podaci dostupni , ukupnom broju birača na izborima, ukupnoj izlaznosti birača na posljednjim izborima po mogućnosti razvrstano po pripadnosti mjesnim zajednicama.

Molio bih nadležnu službu da nam blagovremeno dostavi informaciju o kriterijima izbora za Savjete mjesnih zajednica .

Pitanja su formulisana u skladu sa članovima 8. i 97 . Poslovnika o radu Gradskog vijeća .

Vijećnik *Stjepan Lovrić*

31.01.2023.